

SEKS-AFERA

Advokati prof. Lučića tvrde da Tužilaštvo nema dokaze

Zašto su studentice mijenjale iskaz

Proces je pun nelogičnosti, tvrdi advokatski tim prof. Lučića

U Općinskom sudu Tužilaštvo danas će biti nastavljeno suđenje profesorima Zdravku Lučiću i Enesu Durmiševiću, koji se terete da su počinili krivična djela u predmetu poznatom kao seks-fera na Pravnom fakultetu. U optužnici se navodi da su krivična djela počinili dok su radili kao profesori na tuzlanskom odjeljenju Pravnog fakulteta Sarajevo.

Dodatni pritisak

Durmiševića optužnica tereti za krivično djelo spolni odnos sa zloupotrebom položaja, dok se Lučić tereti da je 1. oktobra 2003. godine, bez odlaganja ispita iz predmeta Rimsko pravo, upisao pozitivnu ocjenu studentici Jeleni Hadžić-Hribar. On se sumnjiči da je 17. juna 2006., bez odlaganja ispita, studenticama Ledenko i Selmi Trokić upisao pozitivne ocjene iz predmeta Institucije rimskog prava i Pravne kulture.

Ragib Hadžić i Almin Dautbegović, koji čine advokatski tim prof. Lučića, komentirajući ovaj slučaj, kazali su

da Tužilaštvo ne posjeduje kvalitetne dokaze i da u presudnim momentima procesa uključuje medije da bi se izvršio pritisak.

- Filozo-

fija optužnice je da tužilac treba dokazati navode putem svjedočenja četiri djevojke, bivše studentice i vozača Jasmina Mašića. Da bi se ovo pretvorilo u presudu, ove djevojke bi morale kazati da je sve tačno što piše u optužnici. To znači da i same priznaju krivično djelo. Međutim, takav imunitet one nisu dobile. I, naravno,



Dautbegović:
Studentice
negirale navode



Hadžić:
Skandalozni
potezi tužilaca

na glavnom pretresu one negiraju da je ista tačno iz optužnice - navodi Dautbegović.

Poznato je da je tužilac nakon toga posegnuo za ranijim iskazima iz istrage, jer su tokom pretresa studentice kazale ono što je u suprotnosti s optužnicom.

- To nas dovodi do saznanja da su studentice mnogo puta tokom istrage ispitivane. I svaki put su drugačije govorile. Sporno je to što se proces protiv njih izgubio, ne znamo kako je završen, ako je istraga otvorena i ako su



Lučić i Durmišević: Suđenje traje godinama

bile osumnjičene - kaže Dautbegović.

Najvažniji događaj u ovom sudskom postupku je, kako tvrdi Hadžić, pokušaj tužilaca da na vozača Jasmina Mašića izvrše pritisak da bi postao svjedok optužnice.

- Predložili su Mašića kao svjedoka optužnice. Dobio sam predmet od ranijeg advokata i vidim da nema nijednog Mašićevog iskaza iz ranije istrage, što je bilo neobično. To je svojevrstni paradoks, pozivaju ga da bude svjedok, a nema iskaza. Na



kraju nije ni svjedočio, nakon čega smo predložili bude svjedok odbrane - tvrdi Hadžić.

Unakrsno ispitivanje

Usljedilo je unakrsno ispitivanje u kojem Mašić tvrdi da je mnogo puta bio svjedok Tužilaštva.

- Prema njegovom kazanju, tužioci Dragan Radošević i Mirzeta Begić su ga u svom kabinetu nagovarali da bude svjedok protiv profesora i da potvrdi navod optužnice - kaže Hadžić. **E**

Umrli profesori i tužiteljica

U ovom slučaju, koji se godinama razvlači po pravosudnim institucijama, bili su optuženi i profesori Bajro Golić te Fuad Salaga. Nakon smrti ove

dvojice profesora, proces protiv njih je obustavljen. U međuvremenu je preminula i tužiteljica Dijana Milić, koja je vodila istragu.